

「國家社會科學基金重大項目」

何建明 主編

中國地方志
佛道教文獻匯纂

人物卷

(10)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂
人物卷
(10)



國家圖書館出版社

中國地方志佛道教文獻匯纂·人物卷

山西省 太原市

太原事迹雜記

唐·李璋撰 據北京圖書館出版社一九九七年
《漢唐方志輯佚》排印

太原事迹雜記

唐李璋撰。璋，里籍未詳，大中八年官河東節度使。此書异名甚多，《新唐書·藝文志》：李璋《太原事迹記》十四卷；陳振孫《直齋書錄解題》：《晉陽事迹雜記》十卷，唐河東節度使李璋纂；《太平廣記》引作《太原事迹》；《太平御覽》、《永樂大典》又引作《晉陽記》。蓋同書异名耳。《永樂大典》并謂：『《晉陽事迹記》，唐宣宗大中八年書記李璋撰。……本序云十四卷，今止十卷。蓋其書已非完本矣。』按，唐太原府，治太原縣。大師姓陳氏，洛陽人。僖宗之妃，以賜晉王，固辭不獲，受而致於別宮。事之如母。夫人樂空門，王許之，落髮具戒法諱，惠宗賜紫衣，號光國大師，於法相寺別置一院。宮眷願爲尼者，如清塵大師、緣淨等甚衆。及終，葬於西山下安仁社，有塔在焉。（《大典》卷五二〇三《太原志》）

中國地方志佛道教文獻匯纂·人物卷
山西省 太原市

太原志

佚名纂修 據《永樂大典》本排印

仙釋 佛附

〔太原縣〕

空王佛，在太原縣東八里源渦村人，俗姓田氏，法諱志超。隋大業三年出家，至唐貞觀十三年三月二十七日入涅槃，勅賜其院曰「空王寺」，故歷代俗傳爲空王佛。鄉人以佛生於是里，故爲置寺於源渦里之西北隅，今永壽寺是也，有崇寧三年僧法惠刻石。（冊五五卷五二〇五頁二十二）

中國地方志佛道教文獻匯纂·人物卷

山西省 太原市

太原府志

明·關廷訪修 張慎言纂

明萬曆四十年（一六一二）刻本

殘缺處抄配

太原府志卷之三十五

雜志

尚義活衆

萬曆乙酉年大荒米珠薪桂人至相食郡人叅政傅公霖施粥百日

米費四百斛所居前後左右諸貧生賑米銀二十錢知州傅公震施粥費米百斛辛丑壬寅年復大饑霖于小彌陀寺焚大地炕收宿貧人有死二者施棺葬埋復施粥起冬月至來年熟乃止費如前晉王佐賑米斛四百周寒士者百王公立賢馬公朝陽李公光輝王公月辰馬公維駟潘公文周公大年李公三樂亢公繼志王公藻王公育才李公繩芳

大房

卷之三

十一

趙公尚忠文公華王公釗所輸或百斛或五十斛或三十斛或二十斛民賴全活者數萬當道掉楔以旌表

仙釋顯異

馬丹者晉狄人也文侯時爲大夫

入晉後靈公欲仕之不以禮有迅風發丹入迴風中而去人以爲異尊而祠之晉僧慧遠有戒性通儒書所居有勝井異香襲人愈諸疾四方病者來求水因建勝井院即今

樓煩寺也又嘗居西靈巖泉寺修行於白仁
 岩說法于臺鳥獸諦聽不遊至廬阜峰結精
 舍亦遠不可及乃以錫杖叩地清溪湧出後
 成一潭嘗送客過虎溪橋有虎輒鳴號公誓
 不過及送陶元亮陸修靜與語道合不覺過
 溪三人因大笑昔人遊南庵有詩云若問遠
 公歸何處獨得隻履上西番太僕卿曹亦詩
 云春盡花猶在山深寺更幽○彭縣安字國
 實者家世醫業頗知儒書自號西林翁延齡
 羽化葬於壓師坡下後崞縣鄉人多見之立
 廟刻石有歌兄藝文○瑯琊沐陽人由道蒙
 者少爲道士遊燕趙間聞晉陽有異人乃尋
 之其人爲人家傭力無名者道家符水禁咒
 陰陽歷數天文藥性無不通解以道榮好尚
 乃悉授之歲餘曰我本恒岳居仙因有少罪
 爲天官所謫今限滿將歸卿宜送吾至汾水
 上及至遇水暴長橋壞船渡亦艱其人以一
 符投水中流便絕俄頃水積滔天其人徐自

沙石上渡唯道榮見其如是傍人未之見也
○嵐縣南六十里聖窯山有洞牧人至洞口
見二道士獻棋立看局終道士喝曰爾羊去
矣在此何爲牧人腰間斧柄已爛覓羊不見
始知人間幾百年矣今石羊尚存云○榆次
僧志超者姓田氏隋大業初出家有異行唐
貞觀中雲遊至介休西南山路險絕難度超
抱石踰之俄有白兔前引又見五龍奔出巖
下遂解化世號空王佛勅賜其院曰空王
寺寺前有池時或遇旱取其水禱之輒雨○
唐石頭道人者交城姓張氏隱居西谷山善
玄養知來有詩云去去依然在阿呵一石頭
青山常在伴明月幾時休又言九月九日我
當昇天至日果不見○張果老者字國林交
城縣小南巷人也世稱爲八仙嘗騎白驢
至阿蘇山以鐵箠指石爲穴引驢入焉今崖
中驢尚存祁縣有果仙飲驢處○大漢僧
者姓聶氏身長九尺能誦咒驅邪通藏經

餘卷中統三年召爲殿中將軍不拜命爲本
縣僧錄賜禪衣二件卽號大永禪師後圓寂
焚化有舍利紅光之異衆建塔于安定村寺
中以藏師骨其禪衣遺貯龍山永寧禪寺庫
中世守爲重寶○李賓者原滄州人來孟縣
日惟食十棗一小栢葉餅掩室著論無虛時
後至冠蓋村逢虎馴伏語虎曰吾欲釋華嚴
經可與吾擇一棲止處虎遂起引至神福山
得一龕居之以著論年九十六化于龕中○
趙龜頤者嵐縣人爲神霄宮道士爆粟於庭
見大鳥來食粟以杖逐去復來凡三仍繼繼
于頤膝下乃悟遂乘之而去○韓氏女嵐縣
人嘗汲水于河白龍神欲以水飲馬女卽與
之三日三復神曰汝適人乎對曰未也遂置
馬後而去女兄使者趕至龍山下神女俱坐
化使者亦傍立化鄉人立祠塑像禱雨輒應
後廟頽神夢上聞洪武重脩賜春秋祀正德
年間廢祭焉○曇鸞大師鴈門人十四歲遊

五臺觀金剛窟見微異遂削髮註大集經未就而疾危嘆曰生如朝露安謂法身渡江未陶先生仙方得之徒步謁梁武帝于重雲殿立談傾聽萬衆後見三藏菩提流支乃舍陶方而脩西方十六觀久之天樂西來異香滿室師隱几化去魏武異之曰神鸞立碑紀其事○闕道寧鴈門人號休休子幼爲釋已而學道養真於鳳凰山之來儀觀年八十四尸解而化莫知所終○僧信明五臺人俗姓高年十三歲師事正琪禪師二十六歲於莊和禪師下演輸金大論幽贊戒章孟蘭等疏歲丙午襲興國人禪師之號甲寅怡然就化神光顯驗今正覺禪寺有遺行碑銘存焉○僧唯德眞定人俗姓孟幼穎悟不甘處俗年十四出家師公異之曰此子他日法中龍象也十五受服爲戒遊歷叢會經梵律論名理奧旨年二十至五臺遂舍講就禪後卜居古公主寺終焉臨終之夕爲門人說法大書

虎報云五十一歲百川一生不肯休歇清涼石
 印寶愉次人俗姓康氏自幼不如葷不童戲
 長從妙總禪師戒行脩持後住持法典院升
 座留頌曰七十年來一夢間大風離散不爲
 顛而今脫下娘生襖一句臨行莫亂參擲筆
 而逝後有人見于黃蘗領單騎西去○諸仙
 禪師俗姓裴氏祁縣人久居幽仙寺性行醇
 慧一山春夢覺云河南好麥徒衆皆笑乃絀
 中出麥穗示之衆大異嘗遊汴徽宗詔入朝
 賜號諸仙設譙不食問之云聞本寺鍾響方
 食少頃果聞鍾聲帝大驚遣兵衛取鍾鍾已
 絕紐飛去半入西崖下不可起人遂名其崖
 爲墜鍾崖壽踰百歲髮尚黑坐法堂不食百
 日而化○僧全福俗姓田氏祁縣人諸仙徒
 也得師真傳從遊于汴蒙徽宗賜號全福驕
 伏乘虎不可盡述壽一百餘整衣而化面色
 如生○真寶者代州人爲五臺僧正靖康兵

起率其徒習武事欽宗召封眷賚隆縹寶還
山聚兵抗金被執欲降不屈且曰五法中有
口回罪吾許宋皇以死豈可二吾言怡然就
戮夫仙釋持脩苦煉俱爲一身卽輕死鮮當
名義惟真寶身係法門而節著大義其于世
道人心不無小補矣○元陶志願者榆次人
號隱真子晉淵明之裔精脩真煉性之術與
棲霞真人王公參究玄妙有所疑咸印證之
歸棲邑之萬春宮年九十歲羽化○有天公
地公宋公退公窮公者脩煉聖草山洞各駐
一山至今名丘公寨五仙鄉○鄭祐者繁峙
人也學黃白吞吐之術至元間與妻俱羽化
歲各九十餘云○國朝僧海昌俗姓許生而
言動非常博涉群經深契奧旨與洪蓮義金
談道世呼爲金海蓮三高士戒律精嚴禱雨
輒應隱崛崛山書五大部經卷校正華嚴合
論五臺清涼傳本宗二百問永樂中詔至京
纂脩大藏經授太原僧綱司都綱一日沐菴

父削髮苦僧請天龍洞書五大部經文永樂
 中詔註大明三藏法數校大藏經典既成上
 進賜衣設宴授以官懇辭還山○陸本者
 雲間人弘治中居太原縣昊天觀石洞中有
 道術符水禱雨輒應袖核桃于山頂搖之則
 雷聲隱隱然後遊華山不知所終○楊魔頭
 太谷人出家不干縣東寺脩行常累日不食詣
 省與晉恭王說法時亢旱執事令禱雨速
 應人多神之○僧普惠平定人號洞雲壽聖
 寺住能詩有戒行常餞呂左丞詩有君王若
 問榆關郡地瘦民貧山水多之句後徙居獅
 子山石巖丁巳年九十入化今名其地曰禪岩
 ○順禪師三民安人俗姓弓洪武初來五臺晉
 光寺師無心德公常夜中見身在文殊會中
 聞偈頌後雲遊名山還五臺永樂初跏趺而
 逝茶毘後有舍利及語錄傳世○僧寶金俗
 姓石號碧峰永壽縣人脩行繁峙祕魔岩值

大房元

多

一三

雪有紅光起自石中上冲霄漢 太祖在南
京視之恠嘆大召見賜金紋衣後火化獲五色
舍利爲浮圖藏下曾光寺有遺像伽藍坐褥
存焉○具生上吉祥者姓利帝利氏別號板的
達生與釋迦同國洪武二年遊五臺 太祖
召見奏 王八殿奉判牒 旨賜銀印金號及
御製善世歌有笑談般若生蓮花之句其
後沐浴危坐而化停龕六日自焚得五色舍
利烟焰所乃八皆綴于松枝若貫珠然今立塔
在普光寺與碧峰塔對○僧淨澄繁峙人號
孤月能知未來後坐化烟生七竅以自焚